



977832

培遠堂手札節存卷中

寄宮怡雲書

辛酉

桂林陳宏謀著

昔人謂人不可以世務妨讀書。只當以讀書通世務。第竊謂苟以理道之心應世。則世務正無妨於讀書。而且有益於讀書也。每見人於世情能覷破一分。於身心有一分體貼。則於古聖賢言語便覺津津有味。同一書籍。而或則以爲迂遠。或則以爲親切。且卽一人之

培遠堂手札節

卷中

一
三

身。而前視爲迂遠。後又視爲親切。皆此意也。遺規數種。刻成附寄。自顧本無一知半解。可以問世。惟就眼前所見。覺有切於時而利於病者。卽爲探入。不取過高難行之論。其文詞之淺深。以及人之或古或今。或遠或近。或窮或達。均可不論。高明閱之。必有以教我。也。

寄馮敘九元惇書

嘗謂士君子於境遇則極其恬退。而於事業則極其勇往。勇往者盡其在我。爲世之熱腸。

也。恬退者安命之寔學。聽其在天也。其迹在近似之間。而其理在是非之界。官場以躁進爲勇往。以委靡爲恬退。未免錯看。惟高明可以語此。故及之。

寄周

人驥書 壬戌

邊方風氣未開。民俗樸陋。其待治比中土更切。而見恩亦比中土爲易。榮蒞未幾。保甲義學次第設施。想見約束與化導兼施。不同於俗吏之爲也。有一分實心。自有一分實效。規模既定。持之以久。自克觀成。有日也。

寄家聖泉書

久滯閒曹。未獲展布。深爲悒悒。此中遲速自有定數。惟望就其時地之可爲。出其學識之所及。有一分真精神。卽有一分真事業。韓魏公滯於管庫。於職事未嘗苟且。然推官理事不倦。王府尹以要路在前。而治民如此。目爲遺器。可爲千古觀人確論。且吾輩盡其在我。以異於俗吏之隨時俯仰者。正在於此耳。目

前吏治患有名無實有初鮮終雖極利民之政而行之反以病民其所以然之故則以條例太多拘牽太甚苟非於民物有不容已之心孰肯破例以干罪譴况自古凡關國計民生人心風俗之事皆未可以刻期有成其可以刻期而成者多係粉飾耳目之舉必非真有關於國計民生人心風俗者也

寄唐莪村綏祖書

州縣自理詞訟不過戶婚田土在官視爲無

關考成動不經意而小民一身一家之計卽關於此一紙入官兼旬不卽批出及批准出票又聽其自然不作速審之計未幾又屆停忙故准而不審審而不結者甚多官衙無法紀草野安有公論刁民無顧忌良善卽難自全至於涉訟之耗費傾家廢時失業又其次焉者矣官場所謂民刁俗悍者恐未可盡咎之民也

寄程扶南書

家務縈心。自未能一意讀書。然立定課程。每日偷暇爲之。無致閒斷。久之亦必有得。況當此家計零落。心力不齊之時。曲加體察。隨宜布置。亦自有理得心安之處。此中亦大有學問。古人以治家卽爲學。不僅作米鹹瑣屑觀。良有深意。更望勉力於此也。

寄王後村

書

地方官視民事全無關切之意。故雖有良法美意。多不能行。勉強行之。亦見其害不見其

遠堂手札節存

卷中

四

三

利益。信有治人無治法之非虛語也。然所謂治人才調。猶次其最要者。此一點不容已於斯民之心。有此心。則才之大小。可以隨事見功。否則雖有長才。亦足爲害。又況無才也。一年以來。肫匕以此啓導各屬。要在動其天良。然後程以事功。近雖覺於民事漸知吃緊。而心之果能如所云云。則尙未之知也。益信居官作人。心地最要。未有無好心而能爲好事者。學約中立志一段內。略抒此意。未知當否。

幸荷指誨

寄衛

哲治書

沿海要區事不甚繁而地多曠土今司牧其地可以徹始徹終爲之擘畫一時無可見之功經久有及民之效在此一舉且免首邑無謂之應酬聚精會神無非爲窮民身家之計縱極煩苦無非樂境知必見及於此也

寄唐莪村書

凡有興舉甯畱寬餘庶幾事易集而官民兩

壻遠掌札節存

卷中

五

三

無所累官之潔已愛民者固不乏人而欲其捐貲以爲民勢有所難累官一二累民何啻八九累官則上司知之因累官而累民則上司不得而知甚有官不自以爲累而民愈不勝其累矣此官場中所謂名實兼收者尤可慮也

寄彭青原家屏書

癸亥

行己接物以直爲主不直則道不見原有未可以委蛇將事事之是非人之賢否局外而

觀亦自有不偏之公論而一入官場得失忝重止顧目前遂多不情之舉昧心之談總緣自反者難自反而自責者尤難古人於勤慎之外復有取於和緩而強恕之道可以終身行之正爲此也臨歧之贈幸諒之

寄尹元符書

呂新吾先生學問經濟俱可見之施行非空談性命者可比此公閒亦有偏處而一腔憂國憂民之意發於本心而不可遏其不可及處正在於此先儒云無忠做恕不出有此不容已之心所以每事有一番安排使各得其所俱有至理非偶然也

寄沈子大起元書

所論我見一語尤爲切中士大夫之病一有我見則或憑意見或顧利害甚至以我之行止爲理之是非不難強事以就我更不難苦天下人以遂我皆此有我之見爲累也

宦海無定。經一番波浪。增一番閱歷。古人於橫逆之來。必三自反。非空空引咎也。正可卽此以爲熟察人情。克治身心之地耳。

寄張文和公書

關中民情。愚而多樸。較南方爲易治。然亦當憫其愚樸。而思所以教之。蓋樸則易教。非樸則可以不教也。

寄鄂文端公書

人之聰明才力。不相上下。業事詩書。亦無不

明白義理。辨別路徑。及至臨事。稍涉利害。則每每止圖目前。不顧久遠。止顧一己。不顧天下。良由看得一身之富貴太重。故看得君民之事較輕耳。年來嘗以此觀人。卽以此自責。昨聞名論。以萬物皆備之。我爲我。人有不協。皆我之責。則視國家之利害。皆我之利害。天下人之賢愚。皆我之賢愚。上下千古。參贊位育。無非我分內之事。迹似待我者輕。其實待我者極重。先儒以西銘一章爲仁字源頭者。

卽此意也。

寄徐

德裕書

教化固不專事刑罰。而就刑罰中。未嘗不可以寓教化。遇事平心靜氣。執法持平。好惡者無能倖免。則良善者有以自全。官衙有公論。草野自成風俗。近有一聯云。欲求政簡心常苦。到得刑清夢亦閒。惟高明畱意焉。

寄雷翠亭欵書

來札戒懼慎獨說得如許親切。大學八條目。

瓊堂手札節存

卷中

八

三

無非一層緊似一層。治平事業。總歸根於誠意正心。中庸放之彌六合。而卷之退藏於密。亦卽此意。所云愈嚴密愈廣大。已將大學中庸之層次主腦。該括無遺。非實在於此等處。痛下克治苦功。不能道此。

寄歸少宰宣光書

官場陋習。上下衙門。終日忙迫。究竟寔在及民者甚少。官有事於民。而民反不之知。民所切望於官。而官又不之知。官民情意不通。雖

法良意美。行之難免滋弊。甚至因偶一有之之弊。而廢經久當行之法。皆官司苟安自便。奉行不實之政。而州縣尤爲親切交關。故州縣得人。則一州一邑受福。

寄衛

廷璞書

聖主勤政愛民。公聽並觀。臣工條對。意美法良。不一而足。有言之可聽。而行之甚難。亦有名雖奉行。實未曾行者。卽如每奉部文層層轉行。上下衙門。案將成帙。似乎已經奉行。而

士民則尙不得知。地方何從受益。總由上司以轉行爲了事。州縣以發房爲了事。卽出告示。亦祇在於城門通衢。遠鄉士民。何能遍觀。盡識。出示之後。官亦全不照應。及至士民或有違犯。不日事不可行。則曰民不肯行。而不知實未曾行也。地方官果肯事事從民生起見。每奉行一事。體察民情。逐處計畫。利在何處。害在何處。惟求有利於民。並防有累於民。行之而利多弊少。則當救弊以全利。不可因

弊而廢利如此則雖法未能卽效亦可補偏救弊漸收其益

寄葛 其恕書

以官場爲利藪。惟計出息多寡。不問民生休戚。惟求上司刮目看顧。不問自己能否盡職。此官場人鬼關頭。來字覷破及此。且有夷然不屑之意。卽此便見立志從茲奮勉所進正不可量。至於物力艱難。世情變幻。見過則易見功則難。又須自己立定脚跟。從艱苦中做去。語云儉可養廉。又云惟忍乃克有濟。不儉必不能清。寧耐而持重。非隱忍而愒置也。勉之。

寄雷翠亭書

事關久遠之計。均非可以常例相拘。亦未可以旦夕見效而行之。稍有疑難。便成話柄。旁觀者不謂作事之無恆動。謂事不可爲。日趨於苟且旦夕之圖。以爲穩著。此近日居官之通病也。

寄德松如先生書

以官養民。不如以民養民。日計不足。歲計有餘。言之似涉迂闊。行之實可久遠。自古如斯。在今日尤爲切中。

寄馮敘九書

職掌無多。而就所得爲勤勤懇懇。洞中體要。有一分心思。卽造一分福澤。不必以事小爲嫌。先儒所謂存心愛物於物必有所濟者也。

寄托

庸書

盛朝休養日久。生齒殷繁。縱盡水濱山崖。皆爲民業。猶恐有限之地。不足以養滋生之民。顧坐視其地有餘力。而不爲之所。輒曰事無近效也。或曰毋動爲大也。以官養民。而不以民養民。力所不及。勢有所窮。此司土者所不能不展轉於心。懼無以仰副。

聖天子子惠元元之意。闕邸抄知有招墾荒山之奏。實有一片愛養實心。從民生根本起見。方能如此可勝佩服。

寄徐

本仙書

仕途遲速關乎時數非吾輩所宜置計惟現在所居之地有可以有爲之權而能卽心卽事推己及人上副

主知下孚民望中可以告知己此卽刻刻所當致力者耳至於道理不可移易而時事或多阻難則又少不得委曲調劑庶幾人已兩得可以澤被乎民物總之天下人自反難自知更難能自知自反而又肯自屈則更難持己之是以折天下人之非鮮能相服况自持者未必至是而無非也始信古人所云平易近人者其中原有作用未可竟作俯仰隨俗看也

寄張

考書

服官無分京外總不外乎國計民生二者之中理有相因事難偏廢京官則能言而不能行外官則可以言卽可以行所見未到固多偏著所見已到而出之不善亦滋其弊迨至

弊也。而或咎所事之不可爲，後更無可爲者也。素稔以義爲質，備具丰裁，惟望善其所以行之出之者。

寄崔

善元書

官民雖有尊卑，而天良原所同具。居官者倚勢作威，不以良心相感，徒以法術爲籠絡，雖可欺於一二人，不能欺於千萬人。無論內地邊方，此心此理均屬相同也。

寄朱

陵書

增遺手札節存

卷中

十三

三

近來功利詞章之習流而不反，讀書者所在不乏。顧書自書而我自我，每見讀書之人與未讀書者無以異。讀書之後與未讀書時無以異，竟似人不爲科第則無取乎讀書，讀書已得科第則此書可以無用矣。居嘗窺見及此，耿耿於懷。學約中偶一發明，而筆墨荒疏，詞多淺率，竊恐未足爲多士則也。諸君重刊各撰序文，獎許過甚，心竊愧之。然士者四民之倡，而官司者又多士之倡也。各持此意自

勉勉人化行自上教成於下羣務於有用之實學使境內士子以讀書爲克治身心之事毋以文章爲敲門之瓦則士習由此而端民風由此而厚治化出其中人才亦出其中此又吾之所厚望也

寄周力堂學健書

居官者平時於民生無一點休戚相關之意語及化導轉移則以爲迂闊而不切於事情籌及有備無患之道則又以爲難而有累於

己遂覺民生疾苦毫無可以置力惟待其迫切有犯則從而峻法及之上有仁聖之主而下不蒙至治之澤守土官之咎百喙難辭矣

寄家雨泉浩書

年來所辦之事未及觀成殊切耿耿然事理之是非審之於己而事勢之成敗聽其在天又不能逆料後來之或有異詞而置不爲理也伏讀

上諭居是職者暫不忘久卽一日而爲數十

年之計久不生倦數十年常如一日之心大哉

王言其訓示天下臣工親切有味吾輩惟宜以此自勉他非所知矣

寄家聖泉書

大凡有益於世之事其始也不能不有所難迨其後則又不能一無所累畏其難懼其累必至視天下事皆可以已不但已不可爲且勸人之不爲且忌人之爲見有爲之者則又卽其小疵以議其大醇使卒無以自解此所以驅天下之人皆趨於苟安自便之一途而鮮有人焉出而任天下之事也

寄馬 金門書

昔人論治以不取爲與以不擾爲安而於苗民尤爲切要動謂苗民知畏威而不知懷德者恐非持平之論孫合河所上撫苗事宜似爲得之

寄雷翠亭書

士大夫言之可聽。行之不力者。皆由心腸太冷之故。冷則於斯世斯民。皆覺不甚親切。不日毋動爲大。則曰何苦。乃爾年來。鹿鹿止不肯將此腸變冷。所苦者才識淺陋。心有餘而力不足。不免竭蹶跋扈之患。

寄孫文定公書

仕途遭際。有時竟不可知。士君子惟有信其在我。其他付之適然。然究竟日久。論定不可知者數。而可知者理也。

壺堂手札節存

卷中

十六

寄范九池咸書

每讀大疏。皆關吏治民生之要。誠可謂務其大者。遠者。近來民窮可慮。而官窮亦可慮。朝夕不給。中材何以自勉。日復一日。流弊不小。大疏所陳。增添養廉。切中肯綮。亦振興吏治之一端也。

寄德濟齋先生書

立心行事。惟論理之是非。不計數之得失。一切功名利祿。久已置之度外。真所謂知有國

而不知有家者。

寄劉含章書

甲子

縣令一職。於民最親。及民甚速。一切利弊風俗。惟縣令知之最悉。行之最便。遇上司有所興除。其當者固可推廣而力行之。卽未當者亦可酌劑而變通之。故一言一動。皆關民生休戚。其他自府道以上。位非不尊。而於民不甚親切。卽於事多所滯礙。歷來由縣令起家。漸歷臺閣者。甚多。要其聲望政蹟。當爲縣令時。已不同俗吏之爲者矣。

寄馮敘九書

所示條議。俱關地方要務。吾輩孜孜講求。惟期有裨民物。可行則行。不能行則言之。吾盡吾心耳。切不必以越位爲嫌。且安知上臺之不聞而見信。卽不遽信。而逆料其不信。而不言。亦非推誠事上之道。近有一聯云。爲之在我。當如是。樂夫天命復奚疑。每日玩味。不覺前後之累。均可聽之。惟求在己。無愧於心耳。

竹邑介在萬山地闊人稀清寂之況可以想見然

朝廷之設此官以爲民也吾輩之有事於此官亦爲可以及民也就所官之地土人民爲之整頓經理行其有利於民者去其有害於民者况地僻事少則案牘應酬可以不致紛擾土廣民貧則休養化誨可以有所措手捐官塲無益之俗套與紛煩之俗念專一勤懇

爲此地圖永久之利濟就目下而論清苦寂寞中有許多滋味有許多樂趣而人不知異日事有就緒遺惠在人更覺不虛此行不負此官所得多矣歷考前輩名臣盛名偉望率多起於清苦艱難人所畏避不居之地其事業實始基於此而得力亦在於此猶之登程者志在千里萬里不必一出門便有好路偶有崎嶇便以爲苦難而裹足不前皆非有千里萬里之程者也

寄吳

謙誌書

丙寅

天河二郡在在水鄉無所謂水利也惟不受
水害卽爲水利矣多開河渠遙築堤岸順水
之性而不與水爭地跡似棄地其實正所以
收水利而廣地利也

寄朱

厚堦書

教習雖覺忙迫而弟子之功課卽先生之學
業教學相長人已交修理本同原事亦相因
好學者處此必有一段鞭辟近裏返躬克己

望遠亭私節存

卷中

十九

三

工夫決不至如村師訓蒙應酬句讀而已

寄楊秋水應琚書

吾輩居官不擇地不擇官惟就可以盡心措
手之處埋頭做去此外升沈遲速均非所知
淡於仕進切於措施寧靜致遠義取諸此彼
連歲遷擢者每歷一官不及察民生之休戚
更不暇辨地方之境界又復遷去他人羨其
赫赫而循名責實反躬內問匆匆虛度不堪
回首者不知凡幾矣此可爲賢者道耳

又

爲己一賦。具見抱負古之學者爲己。聖人垂訓人多圖圖讀過不肯體認己字。如自私自是好逸惡勞趨利避害樂安忘危自以爲爲己之道當如是而不知己字看錯所學豈復可問。程子云爲己者其終至於成物爲人者其終至於喪己。實挾千古爲己爲學之精蘊。

寄周

人驥書

法禁於已然。教施於未犯。就鞫獄中得其致。

增定掌札節存

卷中

二十

三

此之由而隨事指點因人化導。一時似難見。功久之必有移易。平時視教字爲迂闊。動謂人不可化誨。殊不知世閒不可化誨者原自有人。而可以化誨者畢竟爲多。司牧之官平時無一點懼民不善之心。又無一句勸民爲善之語。直待事犯從而加刑。未刑之先如何不至誤犯。旣刑之後如何不復再犯。均未之計。終非弼教之意。

寄家元若仁書

自古爲治得人。比行政更爲切要。以行一善。政利在一時一隅。而得一善人。則可以行無數善政。利無數地方。所云地方官鼓舞振興。又從得人之先。一著用功。寔爲探本之論。

寄朱濬伯亭衍書

身世之事。凡可知者皆理也。凡不可知者皆數也。理本可知。而不求知數本。不可知而強欲知之。卽云巧中徒亂心意。何裨實事。來示正復相同。卽此當吾輩講學一則何如。

寄楊清江錫紱書

來論以欲正民風。先端士習。真探本之論。竊謂百般風俗。自上及下。而轉移之機。全在於上。欲端士習。先清仕習。仕途中人。懷便利之私。每遇一事爲己之念。重爲民之念。輕明知其於民有益。而於己無益。亦不肯爲。若更於己有累。則動色相戒。其所謂累。亦不必重大勞費。卽眼前費些心思。去籌畫費些口語。去開導。非盡不能直是不肯。不曰何苦。乃爾。則

日不如其已耳。先儒云：古之學者爲己，其仕也爲人。今之學者爲人，其仕也爲己。文中子云：古之仕也養人，今之仕也養己。而呂叔簡云：變民風易變士風，難變士風易變仕風，難此風不變流弊何窮仰惟。

聖仁在上，愛民課吏，事事期於實在。要於久遠而行之鮮效，此吾輩奉行者之責也。

寄曹

涵書

凡地方有富厚之家，乃無業貧民所賴以衣

蓬壺手札節存

卷中

世二

三

食者也。遇有訟事，是非一準於理。如鑑之空，如衡之平，乃能服民。亦足杜奸俗吏，因富避嫌，或擁富以袒貧，均屬偏見。最長刁風，安富正所以恤貧也。

寄尹元符書

本躬行心得之餘，端士習文風之本。按試所經，必有聞風興起者，不獨冰壺朗映，譽徹公明。從此人敦實學，士重躬行，薰陶涵育爲多。士講明根本之務，爲國家造就有用之才。知

大儒之所成就必多也

寄劉含章書

吾輩一行作吏此心無不要作好事之理全仗一點真精神貫注其中不以難而阻不以易而忽不以前而懈庶幾行必有效況此時此心爲合邑所託命尤爲當留意也

寄德濟齋先生書

朝堂之正氣卽生民之元氣也正氣常伸則元氣自厚大人忠誠蘊結國體民瘼時刻在念至於遇事不激不隨擇可而語以調劑爲主持委婉以求有濟尤非學養深遠不足以語此

寄周

人驥書

湖南風俗素稱刁悍年來訟牘日減刁徒斂迹自是執法明允訟無留牘之效上下孚信可以想見至於上臺凡有興舉下吏勉強粉飾全無實際反多擾累久爲官場必有之積習所見誠是然當此生齒日繁生計日蹙凡

可以有資衣食者。自當切爲計。及其閒驟然獲利者。民自爭先爲之。何俟於官。其一時不能有利。小民力薄。計短。難於興舉。須官爲導。引官爲籌畫者。亦自不少。預存一必行之見。強官民以必行。此好事喜功。固屬不可而竟視世間無可爲之事。亦未免因噎廢食。惟相其地土所宜行之。有漸相宜者爲之。不宜者聽之。旣不苦以所難。亦不至於擾累也。天下凡百事體。有一利必有一弊。決無百利而無一弊之事。始事或難。觀成則易。決無甫行而卽易成之事。朱子所以有七分利三分害。或利久而害暫。卽當行之三分利而七分害。或害久而利暫。則不當行之之說。呂新吾有毋執偶然之弊。而訾常然之法。毋驚偶然之利。而貽經久之害之說也。

寄黃秉直明懿書

近世士人窮年矻矻。不可謂無志。亦何嘗不爲已。無如把已字看得小。看得私了。似乎爲

已而適以喪已非無志也所志者謬也記云
官先事士先志官非無志也業已官矣所重
者在事不可徒有其志托之空言也方其爲
士原不能遽有所事而不可不有其志范文
正公做秀才時以天下爲已任志也亦卽事
也孟子所云尙志而大人之事備孔子所云
隱居求志皆此意也

寄尹元長先生書

邊方寒士歷官多年一絲一粟無非天家所

遠寧札節存

卷中

廿五



賜然生平志趨頗有所向用財一道亦自講
求不肯妄用亦不肯一無所用

寄張

照乘書

地當煩劇民刁好訟若預存刁訟之心未免
有畏難苟安之念官惡民刁而民益得逞其
刁官畏事煩而事益以難理積疲之習咸由
於此欲加振頓卻又不可太驟惟有徹底清
查提起線索逐事經理完者漸多新案自少
民知官有分曉主持刁者無所施其技善良

有所恃而安所謂刑罰得中卽刑罰中教化而大易所謂不畱獄者也

寄劉含章書

自來不朽循績無不從艱難勞怨中做成所謂好事多磨好人難做者正謂此也切望不可以此稍墮乃心且此種意外之遭正所以磨勵吾輩爲善看其力與不力耳趙明遠云寶愛其一刻可作人世之百年常有味乎其言之今以此相質或不以爲迂也

寄家雨泉書

人生在世事親讀書課子三者最爲切要最爲難得年來知必有一番切已返求工夫有益於身心有益於民物有益於家有益於國以視奉職在官更爲寔在

寄宮怡雲書

銅務重大經費浩繁知必一一清楚乃能起行足見慎重公項隨處腳踏實地克已恕人此中已見學識居常謂骨肉至親一經交代

互相責望。鮮能親好。如初者。皆由恕已太甚。求人太苛耳。

寄家聖泉書

此行諸凡自克。無幾微不豫言色。良由學養。非可強致。自古聖賢處患難。無不如此者。選擇守令。不必遽求德盛化神之效。亦無事解衣推食之恩。能於小民有一番關切之意。有事到官。是是非非。還他一個明白。官衙有公道。鄉里卽爲風俗。平時之化導。有時不如隨

事之整飭。足以感動人。聖人所云。道以德齊。以禮而政。刑正所以輔德。禮者舍政。刑亦無從見德。禮惟無德。禮全事。政刑則如今日之掛壁告示。全無一點道。民真意。俟其罹罪。從而刑之。受刑之人。旣覺其苦。而其餘無所懲警。何以使人人有不敢犯之意。

寄方望溪先生苞書

自古政以人行。得人爲要。人之賢否。高下。先觀心術。再觀其才識。學問心術之邪者。自不

必論卽正也。而視斯民之休戚。時事之得失。如秦越之肥瘠。漠不相關。縱潔已奉公。保守祿位於斯世。何補近日官場於人材一節。旣多諱言。而於人之存心。又多不及講究。皆可浩歎也。

寄張 照乘書

吉安地廣民稠。鮮不以刁詐好訟爲言。來書以爲尙存三代直道中土遺風。足見平心化理無疾視斯民之意。官司土者。德教未施在

我者未盡絲毫。動言民刁俗敝。無論四境之內。民未必皆刁。風未必盡敝。卽果有刁敝在。朝廷之設官官之所事。正爲此等。今全不思所以及民者何如。而動以刁敝爲言。似乎人皆不可化誨者。此等語意。欺人乎寔自欺耳。居嘗以此爲言。來字所及。更見化理有餘行之有效也。

寄孫文定公書

古人窮經。足以致用。凡不能致用者。不可謂

之窮經然窮經而不能求其切於身心倫物者亦必不能致用近見人畢生讀書而不能有用皆坐看得書中所言不甚親切之故而經義尤甚也

寄金

貴書

兵民名目雖殊而身家之休戚則一也倫理之厚薄則一也民不可無教不教則無知而易犯相習成風兵丁何獨不然訓練二字不可偏廢而訓更先於練平日不知甘苦不明道理雖膂力方剛適足以恣其傲慢不平之氣有勇必兼知方有自來矣

寄家元若書

糧儲重地顆粒均資民食舉動卽關利弊常有在官視爲無甚緊要而施之於民卽爲苦樂關頭者一年以來定已體察及此多所釐剔也

寄朱厚植書

戊辰

官場清況此意中事也然以其才識志向經

此一番艱難必有一番磨勵他日漸入佳境以宏展布則今日未始非得力之候也

寄王喬林書

遠略婆心日歷災傷之區目擊顛連之狀知病卽藥必有拯救善策建白施行仰報知己以世俗而論未有職守而僕僕道途原多苦累然吾輩視之正可藉局外之見聞以濟事中之補救知同此結念也

寄靖果園道謨書

遠望手札節存

卷中

三十

三

豐川未歷宦途而於官場之利弊政治之得失言之親切有味世人動謂讀書人不諳世務無裨世用閱豐川作可以破俗說之謬而得通儒之真矣

寄程掌如兄弟書

士人惟功名得失可以聽之於數至於學問器識全由人事有一分工夫便有一分進益處可以用工之境值可以用工之時而因循錯過不但他人見輕卽自己亦不免於後悔

古人云學問要看勝過我者。境遇要看不如我者。二語寔爲萬金良劑。隨時隨事以此着想。則無自足自棄之病。亦省却多少希冀妄想矣。至於門內之行。總要看得骨月貴重。難得。則財物自皆落後一層。匪惟不可計較。且不必計較也。

寄宋

邦綏書

離秦一載。地方吏治已多不同。力屏成見。益勵虛公。就事論事。因物付物。藏身者恕。而後可以喻人。反已者誠。而後可以集事。此固不敢一刻稍懈也。

寄楊星亭書

官場習氣。有一番去畱。卽有一番趨向。是已非人。趨新厭故。此中幾不復有真是非。殊可歎也。

寄輝觀察色書

米糧非犯禁之物。賤糴貴糶。貿易之常處。處有米。處處可買。人人有米。人人思賣。不但不

宜禁亦不可禁。卽果能令行禁止矣。而秋成之後。人人奉法。不敢收米。一遇青黃不接。民米日少。若無民間積存之米。圖價出糶。將四境之民。盡仰給於有限之官倉。其何能濟。兼官有減價勒糶之行。商賈裹足。客米不至。卽本地有米之家。當此歉年。人人希圖貴價。而乃官爲勒賣。誰肯輕糶。惟有緊閉不出耳。米日少而價日昂。貧富相持。地方日不安靜。皆由於此。

寄李侍御元直書

七

本朝魏環溪湯潛庵二公罷官以後。家居廿餘年。讀有用之書。行無愧之事。爲政於家。式化鄉里。言動舉止。與古昔聖賢相印證。隨所閱歷。筆之於書。卽爲範世之大文。與經生家呶呶誦讀吟咏風月。迥不相同。

寄家聖泉書

塞外嚴寒。風景落寞。聞之令人生畏。隨遇而安。無往非學之趣。知二年以來。凡所見聞。形

之紀述皆足發抒名理。可以傳後。理得者心
安。見遠者身泰。昔賢謫居。貌加豐而食加滄。
時時以此爲遠祝耳。

寄鄂

敏書

小學一書鉅細畢該。知行並進。先儒謂爲做人榜樣。近世學者視爲應試階梯。並標題列刊者。毋怪人以小學爲可讀可不讀之書。卽讀小學者。亦不知其所以必須讀是書之義。大序所云精其理。踐其實。化民成俗。於是乎在。真得是書之義。以此提倡。化得一人。卽一二人寔收其益矣。

寄方望溪先生書

周官一書。後儒多疑少信。幾同無用之陳言。析疑出而後天下後世。知此書爲聖人經世之典。不可少之書也。

又

米貴民窮。當今通患。致患者非一端。則補救亦非一策。大要不外大學所云生財之大道。

孟子所云開源節流而已

寄楊方起兄弟書

家計之有餘不足。乃一時境遇所遭。貧而失學。與貧而力學。則存乎其志。古人處艱難困苦之境。而仍有讀書稽古之樂。且以收動心忍性。增益不能之效。正見無地不可以學。無時不可以學也。

寄朱曉園書

中秘書多心得在人。爲詩詞歌賦而讀書者。

風雲月露之學也。縱極富麗。何裨民物。爲身心性命而讀書者。經世服物之學也。似乎迂遠。終歸實用。果能從身心性命上用工考古。證今心有所得。措之身世。則爲不朽之事業。敷之詞翰。則爲有用之文章。以云詩賦。莫高於此。近日多以身列詞苑。不得不專重詩賦。爲言者。似文章事業。看成兩橛。殊非聖主教育人材之至意。

寄屠杏村祖賚書

近日士風華而鮮實。讀書行已。判然兩途。士子不獲收讀書之效。而世亦以讀書人爲無用。此通病也。

寄唐近仁秉剛書

仕宦廿年。至無以爲家。其情良苦。然論理固宜如此。吾輩立志亦正如此。此難與俗人言。言亦不信。惟有隨遇而安。仍守吾寒素之故步耳。

寄周

人驥書

卷牘中畱一分精神。卽可爲百姓主持一分公道。官衙之是非。卽里閭之從違。境內二三頑惡。有所警懼。良善得以保全者不少矣。能令州縣官時時事事存一點。惟恐冤民累民之心。人人作釜底抽薪之計。日積月累。庶可望教化興行。風俗移易也。

寄黃程萬瑞鵬書

牧令之事。煩雜難理。江左較多。蘇常二府尤甚。而訟獄其大端也。大抵人多智巧。好事喜

爭理曲者強詞奪之。尚易辨白。或將無作。有
或欲揚先抑。或欲取姑與官司聽之急。則不
暇致詳。輕喜易怒。稍有失平。平民得持柄而搖
以聳上司之聽。緩則日久。變生狡計。百端莫
可究詰。以致一案化爲數案。小事釀成大事。
逆料其詞不可信。置之不理。則虛實難明。繁
者益見其繁。刁者愈逞其刁矣。惟有先之以
鎮靜。繼之以虛公。而又終之以迅速。民知其
官不可欺。法不能逃。事入官衙。是是非非。確
乎不爽。則身受者折服無言。卽聞風者亦知
誑詞無益。釜底抽薪。庶幾近之。古人所謂刑
罰得中。卽刑罰中教化。正謂此也。

寄朱曉園書

頃聞

新命晉秩臺諫。實慰素心。官不尊於詞垣。亦
不離乎清淡。而喉舌是司。風紀重地。則倚任
尤重。非閒曹可比。司馬溫公云。當志其大舍
其細。先其急。後其緩。而汲汲於名者。深戒焉。

此爲臺諫樹之的也。臺中言事自以事在可行。方不虛建白之意。然果有關於

國計民生倫常風俗。或足以彰幽微而明公道。雖一時格於時議。不盡施行而言爲人人心中所欲言事。爲近今所共見。自不失爲入告嘉謨。且一時不能盡行其言。而存此一議。安知異日不施行耶。此又不在乎一時之從違。而在乎情理之不易也。常有事在必行而行之無益。且如其不行者。則又如其已

矣

寄葛洵天書

別後兩月。將行笥書籍。次第檢閱。分別存畱。發書院者。約有百種。府州縣志。畱在衙門。幾同廢紙。亦並發書院。爲諸生本地之文獻。其本地先儒文集。如康南阿呂涇野之類。亦然。兩月以來。頗與古籍相親。覺連年空攜此書。到處相隨。而不曾與之一面。空負此書多矣。大抵少年讀書。不能領略意義。只能記誦詞。

向其不能領略者。識見未開也。能記誦詞句者。性靈猶在精神尙足也。中晚以後。閱歷漸多。識見已開。頗能領略。而又不能記誦。則以性靈漸減。精神不足耳。有志讀書者。乘精神充足之時。明知未能領略。只要勉強記誦。將古人語句。飽貯於胸中。迨後見識漸長。而語句現在口頭。一加玩味。意義自見。如逢故物。如獲新義。平日強記之書。皆爲我有。皆爲我用。所謂溫故而知新者。卽此意也。尹公素曰。從不攜書而行。而心性志向。俱在上一等。擬將貞觀政要一書。致送此公。閱之必有益也。

寄朱曉園書

侍直稍暇。正可開編玩味。先儒嘉言善行。考究古今。因草大政。就此得其理道。時勢之所趨。培養補救之所急。每閱一篇。設身處地。悉心體認。便見得學問經濟。同條共貫。不僅掇記詞事。以供詩文作料而已。嘗謂士人有不費物力而得之。書齋靜室。掃地端坐。是也有

不煩縞紵而得之良師益友。展卷誦習是也。長安道中不能概却酬應。每日必得撥冗靜坐一二時。與古聖賢相晤對。偶有所得。或有疑難。隨時登記。以待質證。比之逐日奔突。拜會不關切之人。講說不由中之話。所得多矣。況逐日往還。有損無益。且滋指摘。更無謂耳。

寄黃秉直書

凡有著述。祇就考之於古。得之心者。筆而書之。寧爲布帛菽粟之言。土風物宜之記。可以

坐言而起行。兼可信。今而傳後。杜歐諸公。當憂虞險阻之時。落筆命意。無非一腔忠愛。至今傳頌。言者心之聲。非矯飾也。時時守義安命。事事責己。恕人則心境和平。一切牢騷憤激。自無所用之。况

聖德如天雨露風雷。無非至教。吾輩居易俟命之學。正於此時此地見之。

寄宮怡雲書

銅廠一節。年來清釐已云巨細必周。今得處

膏不潤履險而安非腳踏實地焉能有此吾輩因此益有把握不恃人之不事苛求而恃我之無可苛求未始非學問之進境至於躬涉險阻方寸不亂益徵年來所持者正所養者純也

寄朱南湖書

首郡殷繁表率不易寓精詳於慎重備費苦心人以此爲郡伯見長之地吾實以此爲黃堂種德之基登斯民於乂安慰壹憚之慈念早膺榮擢又其次矣

寄初元方書

紳士刁玩惟宜開誠布公漸次整頓常有同一勸懲而稍有意見則未免過激流於已甚非保全之善策也

寄顧鴻書

一切靡文陋例無裨於公而有累於民者及官有些須之益而民受無窮之累者次第清釐去其太甚爲百姓省一分擾累卽爲百姓

培養一分元氣

寄楊

潮觀書

每見讀書萬卷。下筆千言。而一行作吏。非拘泥。鮮通。卽迂。疏寡效。使人謂能讀書作文。不能居官理事。其實事非其事。仍是學非其學耳。真讀書人。定必有真事業。四境之民生利弊。風俗美惡。罔非行吾學之地也。

寄靖果園書

處善循理之工夫。卽爲安身立命之學問。

培遠亭私節存

卷中

四一

三

寄尹元長先生書

事業日隆。物望日重。百凡舉措。益見敬慎。責已恕人。期於有濟。此官場所不肯爲。所不能爲者。語云。行百里者。半九十。晚節綦難。惟有堅其素志。守以定力。始終精白。一心維持。國是。仰副。

君恩自問。雖不足以語此。而亦不敢不以之自勉也。

寄程扶南書

家道興衰原有定數。身爲家督。全在努力。向前。寧耐處之。不但讀書不可懈弛。卽一切處境立身。尤須立定志向。毋少頽惰。語云。無往不復。常有身處艱虞。人所難堪之境。而其後卒能樹立。動心忍性。增益不能貧賤憂戚。未始非天之成就。一切勉之。相期甚切也。

寄靖果園書

豐川著作必傳於後無疑。其推尊朱子而又並取陸王。良以二公學能實踐。事功卓然。後儒罕及。故爾節取不肯以門戶分短長。初非以調停爲兩可。

寄楊星亭書

語孟之書。問答各別。道本一貫。但於字句間。比附聯絡。畢竟牽強。先儒編纂此書。未必先有成竹。故學而爲政。只粘首二字爲篇名。而全篇原未嘗俱言學言政也。所論語孟一氣聯貫。實爲見道之言。而以學字仁字相承遞說。未免滯於字句。以此附商。何如。

寄夔 舒書

苗蠻刁種火耕最愚最苦而恩信又其天性
地方官撫之以恩示之以信當無不傾心悅
服者語云以不取爲與以不擾爲安爲治苗
良策楚南尤要

寄屠 嘉正書

楚中居民與水爭地古所云上策下策已不
可施惟從下策補偏救弊庶幾少罹災患條
議圖說規全局以立言亦目張而綱舉慘澹
經營良非泛泛

蓬蓬亭札存 卷中

四三

寄定 長書

貧瘠之鄉田土而外別無生計秋收稍歉青
黃不接倍形其絀接濟之法不出借糶二事
借宜迅速不令守候糶宜就近不令往返窮
民已沾實惠矣

寄羅 文思書

吾輩一日有一日之功惟思每日必有及民
之事乃不此虛一日趙清獻每日焚香告天

正此意也。

寄成

德書

官場中處拂逆之境固難。處順適之境更難。時時回光返照。痛切警省。始無縱不及持之患。知近來眼界更進一層。功夫更切一層。至於事關有益地方。則又當直抒所見。一味引嫌。又覺自爲之念太重。爲人之念太輕。此中機宜。又須講求耳。

寄尹元長先生書

培遠堂札節存

卷中

四四

三

曾勘河道。備見籌慮周詳。首尾一氣如此。節節疏濬。水性就下。原係窪地。雖仍不免漫溢。而水有去路。上游減得一分。卽減一分之灾。被水之區。早消一日。卽免一日之傷。盡人事以弭天災。治水於水鄉。舍此更無他策也。

寄宋

邦綏書

年來使節所經。士習民風。吏治虛實。閭閻休戚。注目經心。無不洞悉。從此見之文章。罔非實情實理。不同浮響。又時時開編。以古人之

言證之今日之事一字一句皆有著落審同
辨異披沙見金以心入之以身歷之文章事
業同條共貫

寄胡姪倩德球書

人生境遇順逆難齊功名遲早各有定數士
君子惟有素位而行盡其在我其他皆宜聽
之於數古人云境遇要看不如我者學問要
看勝過我者數十年前卽佩服此二語至今
益覺切當不可移易蓋境遇看不如我則世
間不如我者甚多眼前逆境無非順境心氣
不抑而自平學問看勝過我則一得未敢自
矜愈學愈見其不足又焉有矜世傲物之見
出乎此則入乎彼此處關頭所係甚重望以
明理者治心卽以安命者卻病也

